Mempunyai Autonomi Moral

Peribadi yang bertanggung jawab sanggup berfikir sendiri. la menentukan keputusan yang mandiri, rasional, dan etika berdasarkan penilaian benar-salah yang sudah bersebati dalam dirinya (dengan kata lain, nurani kesedaran diri), dan ia tidak membiarkan sikap dan prinsipnya dikendalikan oleh orang lain. Autonomi adalah kata indah yang bermakna gabungan dari keteguhan diri, penguasaan diri, kebebasan personal, dan kemandirian. Peribadi yang bertanggung jawab mempunyai autonomi moral kerana ia menganggap dirinya adalah agen moral yang bebas, dengan kemampuan berfikir dan kebebasan untuk memilih yang benar daripada yang salah.

Selama remaja membesar, ia mungkin banyak menuntut dari ibu bapa, guru, dan pihak sekolah. Walau bentuk rasa hormat serta cara mengajarkan tanggung jawab kepada anak, antara lain, adalah dengan memperdayakan anak (iaitu dengan cara memberikan kesempatan kepada anak untuk menyatakan pendapat tentang masalah personal dan keluarga), perlu diingat bahawa keluarga bukanlah sebuah sistem demokrasi. Pendapat remaja harus diambil kira dan dipertimbangkan, tetapi bukan menentukan keputusan. Keputusan ibu bapa harus tetap diperlakukan dengan penuh kebijaksanaan, kepekaan, dan keahlian; keputusan ibu bapa tidak boleh diserahkan kepada anak. Membiarkan anak mempengaruhi anda dalam keputusan penting (misalnya tempat tinggal, sekolah yang dipilih, atau apakah ia harus pergi kelas piano atau makan malam di rumah nenek), bukanlah wujud dari rasa hormat, melainkan pelepasan hak kepemimpinan ibu bapa, yang juga merupakan bahagian dari tugas ibu bapa.

Seiring dengan tumbesaran anak, ibu bapa harus lebih banyak memberikan kebebasan. Dan, tanpa mengorbankan nilai-nilai keluarga yang penting dan sumber kewangan, pendapat anak harus tetap didengari, model rambut, hiasan bilik, pilihan buku dan muzik, teman, dan aktiviti kurikulum luar. Namun, walau dalam bidang ini pun, ibu bapa yang peduli dan bertanggung jawab harus tetap menerapkan kawalan untuk kebaikan remaja sendiri.

Mendidik remaja agar mempunyai pegangan moral-iaitu sanggup mengambil keputusan sendiri berdasarkan nilai yang dipegangnya-dapat menjadi tugas yang sukar. Meskipun ingin sekali dianggap sebagai individu yang unik, remaja cenderung menyerah kepada tekanan teman

sebayanya. Jadi, remaja cenderung berfikir dan bertindak seperti teman-temannya. Hal ini dapat dilihat dari cara remaja berpakaian dan berkomunikasi dan jenis muzik yang disukai. Kelompok-kelompok eksklusif, saling menggoda, ejek-mengejek, dan saling mempermainkan biasanya adalah aktiviti yang dilakukan remaja secara berkelompok. Sepertinya, remaja ingin dianggap unik, tetapi tidak benar-benar berbeza.

Kerana inilah, teman yang dipilih anak anda sangat penting. Jika remaja bergaul dengan anak-anak yang merokok, atau minum minuman beralkohol, atau melakukan seks bebas, sangat besar kemungkinan anak remaja anda akan melakukan perkara yang sama. Ayat "Tapi, semua temanku berbuat begitu," adalah mimpi buruk setiap ibu bapa.

Remaja harus diajari bahawa meskipun "semua temannya berbuat begitu", ia masih tetap seseorang yang mampu menentukan pilihan sendiri. Ada perkataan bahawa hal yang benar akan tetap benar meskipun tak seorang pun melakukannya, serta hal yang salah akan tetap salah meskipun semua orang melakukannya. Remaja harus diberi latihan perwatakan agar dia memiliki keberanian untuk melawan arus dan bertanggung jawab terhadap keyakinan dan pendiriannya sendiri.